



An Príomh-Chlár Creidmheasa

Bileog Eolais

Iarratas a dhéanamh ar Thuarascáil
Chreidmheasa

www.centralcreditregister.ie/ga/



Banc Ceannais na hÉireann
Central Bank of Ireland

Eurosystem

Céard is Tuarascáil Chreidmheasa ann?

Tá faisnéis phearsanta agus chreidmheasa i do Thuarascáil Chreidmheasa maidir le do chuid iasachtaí go léir, más ionann an iasacht agus €500 nó níos mó, mar aon le haon iarratais a bheidh déanta agat ar iasachtaí le sé mhí anuas.

Tá faisnéis thábhachtach phearsanta agus chreidmheasa inti maidir le do chuid iasachtaí agus iarratas ar iasachtaí. Tá Tuarascáil Chreidmheasa bunaithe ar fhaisnéis a bheidh curtha ar fáil ag iasachtóirí don Phríomh-Chlár Creidmheasa gach mí.

Ní mór do bhainc, do chomhair chreidmheasa agus d'iasachtóirí eile a sholáthraíonn iasachtaí €500 nó níos mó do thomhaltóirí, faisnéis phearsanta agus chreidmheasa a bhaineann leis na hiasachtaí sin a tharchur chuig an bPríomh-Chlár Creidmheasa.

Áirítear san fhaisnéis sin, d'ainm, do dháta breithe agus d'uimhir phearsanta seirbhíse poiblí (PSP). Bailítear an fhaisnéis seo chun a chinntiú go ndéanfar iasachtaí gach duine a mheáitseáil i gceart. Mar shampla, chun go ndéanfar iasacht a bheidh agat le hiasachtóir amháin a mheáitseáil i gceart le hiasacht a bheidh agat le hiasachtóir eile.

Áirítear i bhfaisnéis chreidmheasa, méid na hiasachta, ainm an iasachtóra, aon íocaíochtaí thar téarma agus an t-iarmhéid a bheidh fágtha.

Cuirfear leis an bhfaisnéis go dtí go mbeidh cúig bliana d'fhaisnéis feidhmíochta ar an bPríomh-Chlár Chreidmheasa agus cuirfear í sin isteach i do Thuarascáil Chreidmheasa.

Cuirfidh an Príomh-Chlár Creidmheasa le cobhsaíocht airgeadais agus le cosaint tomhaltóirí ar na bealaí seo a leanas:

- Cuireann sé anailís níos fearr ar fáil d'iasachtóirí maidir le hacmhainneacht creidmheasa iasachtaithe;
- tugann sé faisnéis d'iasachtaithe maidir lena bpróifíl airgeadais;
- tacaíonn sé le ról an Bhainc Ceannais maidir leis an earnáil airgeadais a mhaoirsiú agus maidir le cobhsaíocht airgeadais a áirithiú.

Is féidir leat do Thuarascáil Chreidmheasa a iarraidh aon tráth saor ina aisce, faoi réir úsáid chothrom. Ciallaíonn sé seo go mbeidh tuarascálacha saor in aisce fad is nach n-iarrann tú líon iomarcach díobh.

Is féidir le hiasachtóirí Tuarascáil Chreidmheasa a iarraidh sna cásanna seo a leanas:

- má tá iarratas déanta agat ar iasacht nua;
- má tá iarratas déanta agat chun téarmaí iasachta reatha a athrú; nó
- má tá tú ar gcúl le haisíocaíochtaí ar iasacht reatha nó má tá an teorainn ar chárta creidmheasa nó ar rótharraingt sáraithe agat.

Ní bheidh d'iasachtóir ábalta ach an dá bhliain dheireanacha d'fhaisnéis feidhmíochta ar do Thuarascáil Chreidmheasa a fheiceáil.

Gach uair a bhreathnóidh iasachtóir ar do Thuarascáil Chreidmheasa, fágfaidh siad lorg digiteach. Áirítear sa lorg seo, an dáta, ainm an iasachtóra agus an fáth gur iarradar do Thuarascáil Chreidmheasa. Má iarrann tusa do Thuarascáil Chreidmheasa féin, beidh taifead den iarratas freisin.

Taispeánfar an lorg sin ag bun do Thuarascála Creidmheasa agus fanfaidh sé ansin go ceann cúig bliana tar éis don iasachtóir breathnú uirthi.

Tabhair faoi deara, le do thoil, nach léireoidh do Thuarascáil Chreidmheasa cibé acu an gceadófar iasacht duit.

Ní dhéanfaidh an Príomh-Chlár Creidmheasa:

- Tuarascálacha Creidmheasa a scóráil nó a ghrádú;
- cinneadh i dtaobh iasacht a cheadú nó a dhiúltú - is é an t-iasachtóir a dhéanfaidh an cinneadh sin.

Cé leis an fhaisnéis seo?

Is leis an Banc Ceannais an fhaisnéis a choinneofar ar an bPríomh-Chlár Creidmheasa. Is rialaitheoir sonraí é an Banc Ceannais faoi na hAchtanna um Chosaint Sonraí. Aon fhaisnéis a tharchuirfidh iasachtóirí chuig an bPríomh-Chlár Creidmheasa, úsáidfear í chun Tuarascálacha Creidmheasa aonair a chruthú. Féadfaidh go gcuideoidh Tuarascáil Chreidmheasa le hiasachtóirí nuair a bheidh cinntí á ndéanamh acu maidir le hiasachtaí nó maidir le hiarratais ar iasachtaí. Tá tuilleadh eolais maidir le bailiú agus úsáid do chuid sonraí ar fáil ar centralcreditregister.ie ait a bhfuil nasc chuig fógra príobháideachais an Bhainc Ceannais maidir le cosaint sonraí.

Conas a gheobhaidh mé mo Thuarascáil Chreidmheasa?

Is féidir leat é seo a dhéanamh go héasca ar líne.

Is féidir leat an fhoirm iarratais ar líne a chomhlánú chun Ráiteas Míniúcháin a chur le do

Thuarascáil Chreidmheasa ar centralcreditregister.ie.

Ní mór duit d'fhoirm iarratais chomhlánaithe a phriontáil agus a uaslódáil i dteannta le do chuid doiciméad aitheantais.

Nó is féidir leat ríomhphost a chur chugainn ag: myrequest@centralcreditregister.ie is féidir leat scríobh chugainn ag:

An Príomh-Chlár Creidmheasa, Adelphi Plaza, Sráid Sheoirse Uachtarach, Dún Laoghaire, Co. Bhaile Átha Cliath, Éire.

Déan cinnte go gcuireann tú do chuid doiciméad aitheantais i dteannta le do chomhfhreagras.

Cén fáth a gcaithfidh mé doiciméid aitheantais a chur isteach?

Beidh cruthúnas ar chéannacht ag teastáil uainn chun leanúint le d'iarratas. Ar an gcaoi sin, cinntítear go bhfuiltear ag cloí leis na cearta um chosaint sonraí.

Beidh ort [cóipeanna inléite](#) de dhoiciméid a chur ar fáil chun an méid seo a leanas a chruthú:

1. Do chéannacht

Is gá duit cóip d'aon cheann AMHÁIN de na doiciméid seo a leanas a chur ar fáil (níor cheartgo mbeadh an doiciméad sin breis agus 6 mhí níos sine ná a dháta éagtha):

- leathanach aitheantais agus sínithe do phas; nó
- an taobh aitheantais (grianghraf agus síniú) de do cheadúnas tiomána AE.

Má tá cóip de cheadúnas tiomána páipéir á cur ar fáil agat, déan cinnte go gcuireann tú na 3 leathanach ar fáil.

2. Do sheoladh

Is gá duit cóip d'aon cheann AMHÁIN de na doiciméid seo a leanas a chur ar fáil (níor cheartgo mbeadh an doiciméad sin breis agus 6 mhí níos sine ná dáta d'iarratais):

- bille fóntais nó bille líne thalún teileafóin;
- ráiteas ó bhanc, ó chumann foirgníochta nó ó chomhar creidmheasa;
- litir a bheidh dírithe ort ón Roinn Gnóthaí Fostaíochta agus Coimirce Sóisialaí nó ó na Coimisinéirí Ioncaim;
- litir a bheidh dírithe ort ó aon chomhlacht reachtúil eile nó ó aon ghníomhaireacht

Stáiteile; nó

- litir a bheidh dírithe ort ó chuideachta árachais maidir le polasaí árachais reatha.

3. Uimhir PSP

Uaslódáil cóip d'aon cheann AMHÁIN de na doiciméid seo a leanas ar a dtaispeántar do **UPSP IOMLÁN**. Tá **7 n-uimhir mar aon le 1 nó 2 litir san UPSP**. Tabhair faoi deara le do thoil gur gá go mbeidh an téarma "UPSP" le feiceáil go soiléir ar dhoiciméad a úsáidfear mar chruthúnas ar UPSP.

- Cárta Seirbhísí Poiblí - an dá thaobh (éadan agus cúl)
- Cárta leighis
- Cárta don Scéim Íocaíochta Drugaí
- Comhfhreagras a bheidh dírithe chugat ón Roinn Coimirce Sóisialaí nó ó na Coimisinéirí Ioncaim
- Measúnú Cánach nó Fógra maidir le Creidmheasanna Cánach
- Duillín pá, nó Achoimre Sonraí Fostaíochta ó na Coimisinéirí Ioncaim.
- Is féidir an Cárta Eorpach um Árachas Sláinte arna eisiúint ag Rialtas na hÉireann a úsáid freisin i gcás gurb é an *Uimhir Aitheantais Phearsanta* do UPSP

Féach ár Ráiteas maidir le Cosaint Sonraí ag centralcreditregister.ie chun tuilleadh eolais a fháil maidir leis an gcaoi ina bpróiseáil do chuid faisnéise pearsanta.

I gcás iarratas poist, íoslódáil foirm iarratais ag

<https://www.centralcreditregister.ie/ga/iasachtaithe/iarratas-a-chur-isteach-agus-do-chearta-eile/iarratais-poist/> nó déan teagmháil linn ag myrequest@centralcreditregister.ie.

Cé chomh fada siar agus a théann an fhaisnéis?

Tá faisnéis phearsanta agus chreidmheasa á cur chuig an bPríomh-Chlár Creidmheasa ón 30 Meitheamh 2017 i leith i ndáil le hiasachtaí €500 nó níos mó a bhí amuigh ar an dáta sin. Áirítear freisin faisnéis maidir le hiasachtaí nua a bheidh faighte agat i ndiaidh an dáta sin.

Cuirtear an fhaisnéis sin chuig an bPríomh-Chlár Creidmheasa ar bhonn míosúil. Áirítear san fhaisnéis sin, méid na hiasachta, aon íocaíochtaí thar téarma agus iarmhéid na hiasachta an tráth sin.

Cuirfear leis an bhfaisnéis seo go dtí go mbeidh cúig bliana d'idirbhearta i do Thuarascáil Chreidmheasa.

Má dhéanann tú iarratas ar iasacht nua, léireofar taifead den iarratas sin, lena n-áirítear an méid a bhí uait, ar do Thuarascáil Chreidmheasa ar feadh sé mhí. Ina dhiaidh sin, scriosfar an fhaisnéis sin.

Céard a tharlóidh má tá botún i mo Thuarascáil Chreidmheasa?

Má tá faisnéis mhícheart i do Thuarascáil Chreidmheasa, tá an ceart agat iarratas a dhéanamh chun an fhaisnéis sin a cheartú.

Is é príomhaidhm an Phríomh-Chláir Creidmheasa Tuarascálacha Creidmheasa cruinne a chur ar fáil.

Is ionann faisnéis mhícheart agus faisnéis phearsanta nó chreidmheasa i do Thuarascáil Chreidmheasa atá míchruinn, neamhiomlán nó nach bhfuil cothrom le dáta.

Le haghaidh tuilleadh faisnéise, téigh go dtí centralcreditregister.ie áit inar féidir leat ár mbileog eolais 'Iarratas a dhéanamh chun faisnéis i mo Thuarascáil Chreidmheasa a leasú' a íoslódáil.

Tuilleadh Faisnéise

Ar líne: www.centralcreditregister.ie/ga/
Ríomhphost: myrequest@centralcreditregister.ie
Líne Thalún: 01 2245500

Lúnasa 2024